



ՀԱՂՈՐԴԱԳՐՈՒԹԻՒՆ

Մայր Աթոռի Դիւան լիազօրութեամբ է ուրախութեամբ անտելու մեր Սուրբ Եկեղեցուն և հաւատացեալ ժողովրդին, որ մեր նրկրում, բարեմալաստ օրինական պայմանների բերումով, մինչև այժմ գործող վանքերի և եկեղեցիների շարքին, վերջին մի տարուայ ընթացքում վերաբացուել են հետևեալ վանքերն ու եկեղեցիները Հայաստանում և Արցախում.
ՀԱՅԱՍՏԱՆՈՒՄ.—

Ա. Արարատեան թեմ

1. Հոկտեմբերեանի շրջանի Բամբակաշատ գիւղի Ս. Աստուածածին եկեղեցին (ԺԹ դար):

2. Մարտունի քաղաքի Ս. Աստուածածին եկեղեցին (ԺԷ դար):

Բ. Թիւրակի թեմ

1. Իջևանի շրջանում՝ Մակարավանքը (1205 թ.):

2. Սպիտակի շրջանի Լեռնանցք գիւղի Ս. Գրիգոր Լուսաւորիչ եկեղեցին (ԺԸ դար):

Գ. Սիւնեաց թեմ

1. Գորիսի շրջանում՝ Տաթևի վանքը (Ժ դար):

2. Մեղրի քաղաքի Ս. Աստուածածին եկեղեցին (ԺԷ դար):

ԱՐՑԱՍՏՈՒՄ.—

1. Գանձասարի Ս. Յովհաննէս Մկրտիչ վանքը (1238 թ.):

2. Ամարասի Ս. Գրիգորիս վանքը (Դ դար):

3. Մարտակերտի Ս. Կարապետ եկեղեցին (1883 թ.):

4. Հաղորոթի Ս. Յարութիւն եկեղեցին (1671 թ.):

Վերոյիշեալ նորաբաց սրբավայրերը ապահովուում են երիտասարդ հովիւներով: Նորահաստատ Սիւնեաց թեմի առաջնորդ է նշանակուած Տ. Ասողիկ եպիսկոպոս Արիստակէսեանը՝ կենտրոն ունենալով Գորիս քաղաքը, իսկ Արցախի եկեղեցիները գտնուում են տեսչութեանը ներքոյ Տ. Պարգև եպիսկոպոս Մարտիրոսեանի՝ կենտրոն ունենալով Ստեփանակերտ քաղաքը:

Սկսուել են արդէն յիշեալ վանքերի ու եկեղեցիների նորոգութեանց և բարեկարգման աշխատանքները:

Վերաբացուել և գործում է նաև Լեւոնգորադի Ս. Յարութիւն եկեղեցին:

Օրինական ձևակերպումների ընթացքի մէջ են ու մօտ ապագայում կը վերաբացուեն ևս շուրջ տասներկու եկեղեցիներ Հայաստանում, Արցախում և Վրաստանում:

ԴԻԻԱՆ ՄԱՅՐ ԱԹՈՐԻ

Ս. Էջմիածին,
3 Յուլիսի 1989 թ.